

PWYLLGOR SGRIWTINI PARTNERIAETH AC ADFYWIO

Cofnodion y cyfarfod a gynhaliwyd ar 13 Mawrth, 2014

YN BRESENNOL:	Y Cynghorydd D R Hughes (Cadeirydd) Y Cynghorydd Alun M. Mummery (Is-Gadeirydd) Y Cynghorwyr Carwyn Jones, R.Ll. Jones, Raymond Jones, Richard Owain Jones, Dylan Rees. Cynghorydd R.A. Dew – Aelod Portffolio (Priffrydd, Eiddo ac Rheoli Gwastraff) Aelodau eraill o'r Cyngor Sir a wahoddwyd i'r Pwyllgor Y Cynghorydd Ann Griffith, K.P. Hughes, T. Victor Hughes, Llinos M. Huws, Aled M. Jones, R. Meirion Jones, Bob Parry OBE, Nicola Roberts.
WRTH LAW:	Pennaeth Gwasanaeth (Amgylchedd a Thechnegol), Uwch Swyddog Rheoli Gwastraff (ME), Swyddog Sgriwtini (GWR), Swyddog Pwyllgor (MEH)
HEFYD YN BRESENNOL:	Mr. Steffan Owen (Rheolwr Prosiect), Mr. Jonathan Beb – Amec (Ymgynghorydd Technegol), Mr. John Bruce – Pinsent Masons (Ymgynghorydd Cyfreithiol), Mr. Saefer Rehman – Grant Thornton (Ymgynghorydd Cyllidol), Mr. Huw Roberts (Partnerships UK).
YMDDIHEURIADAU:	John Griffith, W T Hughes a Dafydd Rhys Thomas

1 DATGANIAD O DDIDDORDEB

Ni dderbyniwyd unrhyw ddatganiad o ddiddordeb.

2 COFNODION

Cadarnhawyd cofnodion y cyfarfodydd canlynol:-

- Cofnodion y cyfarfod a gynhaliwyd ar 15 Ionawr, 2014.

Materion yn codi

Cymunedau'n Gyntaf – Ynys Môn

Dywedodd y Swyddog Sgriwtini bod Cymunedau'n Cyntaf Cyf wedi gwrthod y cais gan y Pwyllgor hwn i gyhoeddi eu cofnodion o gyfarfodydd y Bwrdd ar eu gwefan. Dywedodd y Cynghorydd Dylan Rees ei fod yn siomedig yn hyn o beth.

- Cofnodion y cyfarfod arbennig a gynhaliwyd ar 4 Chwefror, 2014.

3 CAU ALLAN Y WASG A'R CYHOEDD

PENDERFYNWYD mabwysiadu'r canlynol:-

“Dan Adran 100 (A)(4) Ddeddf Llywodraeth Leol 1972, gyrrwyd y wasg a'r cyhoedd allan o'r cyfarfod yn ystod y drafodaeth ar yr eitem a ganlyn, oherwydd y tebygrwydd y câi gwybodaeth ei rhyddhau a honno'n wybodaeth y gwna Atodlen 12A y Ddeddf eithriad ohoni fel y diffinnir y wybodaeth yn y Ddeddf ac yn y Prawf Budd y Cyhoedd sydd ynghlwm”.

4 PROSIECT TRÎN GWASTRAFF RHANBARTHOL GOGLEDD CYMRU

Cyflwynwyd – adroddiad y Pennaeth Gwasanaethau Amgylcheddol a Thechnegol a'r Prif Swyddog Rheoli Gwastraff.

Rhoddodd y Prif Swyddog Rheoli Gwastraff gyflwyniad ar gefndir y Prosiect Trin Gwastraff Gweddilliol Gogledd Cymru (PTGGGC) a'r angen i gael gwared o wastraff gweddilliol er mwyn cyfarfod a thargedau cael gwared ar wastraff Llywodraeth Cymru. Nododd bod 45% o'r gwastraff gweddilliol ym Môn yn cael ei drosglwyddo i dirlenwi. Mae Llywodraeth Cymru wedi datgan y dylai pob awdurdod lleol fod â'r nod o ailgylchu hyd at 70% o'u gwastraff erbyn 2025. Bydd Awdurdodau'n wynebu dirwyon posibl o £200 y dunnell am fethu â chyfarfod â'r targed hwn. Ar hyn o bryd mae Ynys Môn yn ailgylchu hyd at 55%. Dywedodd y Swyddog ymhellach bod gallu cydymffurfio â deddfwriaeth Llywodraeth Cymru yn gofyn am i wastraff gweddilliol gael ei losgi ac i gynhyrchu ynni ar ôl hynny. Mae 5 allan o'r 6 Awdurdod yng Ngogledd Cymru yn y Prosiect.

Dywedodd y Rheolwr Prosiect i'r broses gaffael PTGGGC ddechrau gyda chyhoeddi'r OJEU ym mis Gorffennaf 2010. Roedd y Bartneriaeth wedi hysbysebu'r contract ar sail technoleg a safle niwtral a thrwy hynny roi'r cyfle gorau i'r farchnad ddod â'r datrysiad mwyaf amgylcheddol, economaidd a thechnolegol ddilys gerbron y Bartneriaeth. Ym mis Rhagfyr 2013, cyflwynodd Cwmni 'X' dendr terfynol ar gyfer y cyfleuster Ynni newydd o wastraff ar Stad Ddiwydiannol Glannau Dyfrdwy fydd yn gallu prosesu 175,000 tonnall y flwyddyn. Rhoddodd Mr Owen a Mr Jonathan Bebb o Amec (Ymgynghorwyr Technegol) gyflwyniad manwl ar gefndir y cyfleuster arfaethedig gan amlygu'r risgiau allweddol a materion lechyd a Diogelwch i'r Pwyllgor.

Amlinellodd Mr. Rehamn o Grant Thornton (Ymgynghorwyr Ariannol) a Mr. John Bruce o Pinsent Masons (Ymgynghorwyr Cyfreithiol) rai manylion am ymrwymadau ariannol a chyfreithiol a'r gwaith enfawr sydd wedi ei wneud i gael y contract gorau bosibl ar gyfer Prosiect Trin Gwastraff Gweddilliol Gogledd Cymru.

Rhestrir isod rhai o'r prif faterion a godwyd gan Aelodau'r Pwyllgor:-

- Materion Iechyd a Diogelwch;
- Ymrwymadau Ariannol;
- Ymrwymadau Cyfreithiol;
- Cyfyngiadau ar ddeunyddiau gwastraff fydd yn cael eu llosgi;
- Materion Llygru'r Aer;
- Diogelu Iechyd;
- Manteision Cymunedol;
- Manteision Rhyng-awdurdod;

Roedd Y Cadeirydd yn dymuno iddo gael ei gofnodi bod angen amlygu'r cymalau dirwyo (fel oedd wedi eu nodi yn yr adroddiad) yng nghyswllt tynnu yn ôl o'r prosiect.

PENDERFYNWYD derbyn yr adroddiad a'r argymhellion oedd ynddo.

GWEITHREDU: Bod yr adroddiad a'r argymhellion yn cael eu trafod gan y Pwyllgor Gwaith a'r Cyngor llawn yn y man.

**CYNGHORYDD D.R. HUGHES
CADEIRYDD**